



KENYATAAN AKHBAR

KEMENTERIAN ALAM SEKITAR DAN AIR

JABATAN ALAM SEKITAR NEGERI PERAK

OPS GEMPUR PRA RAYA (SEMPENA HARI BUMI) TAHUN 2022

IPOH, 28 APRIL 2022 - Jabatan Alam Sekitar Negeri Perak telah menjalankan **Operasi Gempur (Ops Gempur) Pra Raya bersempena Hari Bumi Tahun 2022 pada 26 April 2022 sehingga 28 April 2022**. Tumpuan Ops pada kali ini ialah Kawasan Perusahaan Puncak Jelapang Maju, Kawasan Perindustrian Ringan Jelapang dan Kawasan perindustrian Meru, Ipoh. Objektif utama Ops Gempur ini ialah:

- (i) Memastikan semua jenis industri mematuhi Akta Kualiti Alam Sekeliling 1974.
- (ii) Mencegah berlakunya kejadian pencemaran alam sekitar yang boleh menjejaskan kualiti alam sekitar dan kesejahteraan rakyat.
- (iii) Tindakan bersepadu dengan mengoptimumkan sumber yang sedia ada bagi impak yang lebih berkesan.

Ops Gempur Pra Raya JAS Perak telah dilaksanakan secara bersepadu melibatkan sebanyak 10 Pasukan Penguatkuasaan (melibatkan 32 Anggota Penguatkuasa Jabatan Alam Sekitar). Operasi di kawasan Perindustrian Jelapang ini juga adalah susulan aduan yang diterima oleh Pejabat YB EXCO dan Jabatan ini berhubung pencemaran bau dari penduduk sekitar. Kedudukan kawasan industri yang bersebelahan dengan kawasan kediaman berpotensi menimbulkan aduan awam yang tinggi sekiranya pihak industri tidak mengamalkan pematuhan sendiri yang tinggi terhadap Akta Kualiti Alam Sekeliling, 1974.

Di samping itu, penumpuan dan fokus utama juga telah diberikan kepada premis-premis yang menghasilkan punca-punca pencemaran utama (udara, effluen dan buangan terjadual) dan mengemaskini rekod inventori premis-premis di kawasan berkaitan.

Dalam memastikan pihak premis sentiasa mematuhi kehendak perundangan ketika beroperasi, tindakan perundangan kepada mana-mana pihak yang melanggar Akta Kualiti Alam Sekeliling, 1974 dan peraturan-peraturannya akan diambil.

Sepanjang Ops Gempur ini, tindakan-tindakan penguatkuasaan yang di ambil oleh Jabatan Alam Sekitar Negeri Perak adalah seperti berikut:

i.	Bilangan premis/kilang di periksa	: 26
ii.	Arahan di Lapangan (<i>Field Citation</i>)	: 27
iii.	Notis Arahan	: 19
iv.	Kompaun	: 62
v.	Kertas Siasatan	: 2

Ops Gempur ini akan diteruskan dari semasa ke semasa bagi memastikan tindakan penguatkuasaan yang dijalankan memberi mesej kepada semua pihak bahawa Jabatan Alam Sekitar serius dan komited dalam mengambil tindakan terhadap penjenayah-penjenayah alam sekitar khususnya pihak industri bagi memastikan pihak industri menjalankan operasi mengikut kehendak perundangan yang telah ditetapkan dan memastikan kepentingan alam sekitar diberi perhatian serius oleh pihak-pihak berkenaan. Ingin ditegaskan bahawa JAS Perak tidak akan berkompromi dengan mana-mana pihak yang didapati melanggar kehendak perundangan alam sekitar.

Orang ramai adalah dialu-alukan untuk menjadi mata dan telinga JAS dengan melaporkan sebarang aktiviti yang mencemarkan alam sekitar di talian bebas tol 1-800-88-2727 atau email ke aduan_k@doe.gov.my dan melalui portal e-aduan JAS di <https://eaduan.doe.gov.my>.